

٠١- آية الحجاب (٢) - تدبر سورة النور - شريف علي

شريف علي

اعوذ بالله من الشيطان الرجيم وقل للمؤمنات يغضضن من ابصارهن ويحفظن فروجهن ولا يبدين زينتهن الا ما ظهر منها وليضربن بخمورهن على جيوبهن ولا يبدين زينتهن الا لبعولتهن او ابائهن او اب - [00:00:01](#)

بعولتهن او ابنائهن او ابناء بعولتهن او اخوانهن اخوانهن او بني اخواتهن او نسائهن او ما ملكت ايمانهن ان او التابعين او التابعين غير اولي الاربة من الرجال او الطفل الذين لم يظهروا على عورة - [00:00:36](#)

ولا يضربن بارجلهن ليعلم ما يخفين من زينتهن وتوبوا الى الله جميعا ايها المؤمنون لعلكم تفلحون بسم الله الرحمن الرحيم. الحمد لله رب العالمين والصلاة والسلام على اشرف الانبياء والمرسلين نبينا محمد وعلى اله وصحبه ومن اتبع هداه الى يوم الدين - [00:01:21](#)

قال رسول الله صلى الله عليه وسلم ما اجتمع قوم في بيت من بيوت الله يتلون كتاب الله ويتدارسونه فيما بينهم الا نزلت عليهم السكينة وغشيتهم الرحمة وحفته الملائكة وذكرهم الله فيمن عنده - [00:01:59](#)

وقال النبي صلى الله عليه وسلم خيركم من تعلم القرآن وعلمه. وقال صلى الله عليه وسلم ومن سلك طريقا يلتمس فيه علما سهل الله له به طريقا الى الجنة كنا توقفنا فيه المجلس الاخير في - [00:02:14](#)

طرح اية اه الحجاب وقل للمؤمنات يغضضن من ابصارهن ويحفظن فروجهن ولا يبدين زينتهن الا ما ظهر منها. فاتكلمنا فيه المجلس الاخير عن آ كيف امل العبد مع الاوامر الربانية - [00:02:29](#)

يعني دلوقتي احنا قلنا ان الاية فيها خطاب للمؤمنة وقل للمؤمنات يغضضن من ابصارهن ويحفظن فروجهن ولا يبدين زينتهن فالواو امر دي ربنا سبحانه وتعالى بناها او امر بها. والواو امر دي بنيت على بناء الايمان - [00:02:47](#)

يعني اللي هيستجيب للامر ده هو ايه هو المؤمن زي ما احنا قلنا ايه اللي يمنع الشاب ان هو آ يطلق البصر؟ يعني ايه اللي يمنعك ان انت تتفرج على اي واحدة ماشية في الشارع ولا اي صورة تظهر قدامك تتفرج عليها؟ ايه اللي هيمنعك - [00:03:05](#)

الايمان خوف من الله سبحانه وتعالى ان الانسان مؤمن ان هو يحاسب وان ربنا سبحانه وتعالى مطلع عليه وان ربنا سبحانه وتعالى من اسمائه الرقيب فكذلك في اوامر باوامر هي مخالفة لهوى الانسان - [00:03:20](#)

يعني ايه دلوقتي اللي يمنع المرأة ان هي تتحرر وان هي تظهر الزينة ان ده اصلا شيء موافق للفطرة هي بتحب ان هي تبدي الزينة دي هي بتشعر بنوع من - [00:03:37](#)

آ السعادة لما الناس تشوفها جميلة ولما تسمع الكلمات ولما تحس ان هي مرغوب فيها ده شيء بيشتبع حاجة في نفس المرأة فلما يجي امر مخالف للفطرة دي مخالف للشهوة دي للهوا ده - [00:03:49](#)

ايه اللي هيدفع الانسان ان هو يستجيب للامر ده طيب ازاي الانسان يتعامل مع الاوامر الربانية انا دلوقتي ده امر يعني دلوقتي ليه لما بتنزل الشارع او اغلب النساء صعب عليها امتثال امر الحجاب - [00:04:09](#)

حتى المحجبة هي لابس حجاب كده ايه نص كم كده يعني هو مش حجاب طب ليه الامر ده صعب ايه الصعوبة اللي في الامر اللي احنا مش عارفين نمثل لامر ربنا سبحانه وتعالى مش عارفة تتحجب الحجاب الشرعي - [00:04:25](#)

فاحنا قلنا ان ازاي المرأة المؤمنة تتعامل مع الامر اتكلمنا بقى في المجلس اللي فات من الحاجات من النقاط اللي كانت معنا في الدرس هي العقوبات يعني انا ليه مش عارف امتثل الامر لازم افهم ايه العقوبات اللي بيني وبين الامر ده - [00:04:45](#)

فلو فهمت العقوبات وقدرت ان انا اه يعني اتخطاها ان شاء الله باذن الله يسهل علي الامر من اعظم العقوبات هي العقبة اللي احنا

قلناها من شوية وهي عقبة النفس - 00:05:04

شهوة نفس عندها رغبة وحب ابداء الزينة ودي ده فطرة المرأة هي نفسها ان هي تبقى جميلة وشكلها حلو وان هي تسمع كلمات الثناء وان هي تشعر ان هي بالعكس احنا قلنا - 00:05:17

لما لما المرأة بتشعر ان الرجل مش منجذب لها وكده هي تحس بنوع ايه يعني هو ده اهانة يعني لما اتكلمنا عن قصة امرأة العزيز فمن الحاجات اللي بتصعب جدا على البنت ان هي تاخذ الخطوة من العوائق - 00:05:34

ان هي تنزّر مثلا زي زي ما احنا قلنا البنات اللي مش محجبة او بنت مسلا هي كانت بعد لما اتحجبت قعدت تتفرج على الصور القديمة بتاعتها وهي بشعرها وهي لابسة لبس جميل بتتفرج على صاحبته بصورها - 00:05:54

فالنظر للصور دي ومتابعة الفنانات والممثلات ادمان النظر للصور دي بيصعب جدا. ده بيغذي حاجة البنت ان هي نفسها تبقى جميلة الشهوة اللي عندها فيصعب عليها. يعني هي بتعمل عقبات. هي بتكون عقبات. بالنظر للبنات الغير محجبات او الممسلات والفنانات -

00:06:11

حتى صورها القديمة. يعني كم من بنت مسلا هي كانت اه لابسة حجاب محتشم ومحترم وبعدين بس ايه ممكن تفتح مسلا تقلب في الصور القديمة بتاعتها فالنزرة دي نزرة الشوق دي - 00:06:33

لو نظرة ان شوفي انا كان شكلي جميل ازاي في الصورة دي كان شكلي هنا اجمل كان شكلي صغيرة فتشوف صاحبته وتشوف صورها فده يهيج في القلب ايه وعايز ارجع ثاني للشكل ده - 00:06:47

فكان شكل جميل صور البنات اللي بتتفرج عليها الحاجات دي كلها. فدي عقبة لازم ان انت تتخطاها. ازاي ان هي تجاهد النفس دي العقبة الثانية عقبة الشيطان ومن اعظم اهداف الشيطان ان البنت ايه؟ تتعري - 00:07:00

يعني ده ده هدف يعني انا دلوقتي فاهمة كبنت ان انا عندي مشكلة مع النفس النفس الامارة بالسوء. والنفس اللي بتميل عندها شهوة هي عايزة تظهر الزينة دي. الحاجة الثانية ان في شيطان - 00:07:18

زين وهدف الشيطان معي شغله معي ان انا اتعري. وكل لما البنت تتعري اكثر والحياء ينكسر اكثر كل لما الشيطان كأنه بيحقق ايه يعني انجازات اهداف قال الله عز وجل يا بني ادم لا يفتننكم الشيطان كما اخرج ابويكم من الجنة - 00:07:31

ينزع عنهما ايه لباسهما ليريهما سواتهما انه يراكم هو وقبيله من حيث لا ترونه قال النبي صلى الله عليه وسلم المرأة عورة فاذا خرجت استشرفها الشيطان قالوا المرأة عورة قالوا يعني معنى الكلمة جعل المرأة عورة - 00:07:55

لانها اذا ظهرت يستحي منها كما يستحي من العورة اذا ظهرت وقيل المرأة عورة اي ذات عورة يعني ده مش كلمة ايه عورة مش كلمة عورة ايه كلمة عيب يعني - 00:08:20

يعني ان هي يستحي منها اذا غارت. الاصل ان الرجل يستحي من المرأة ماشي؟ كان حتى يروى في اشعار الجاهلية عنثرة. يقول واغض طرفي ما بدت لي جارتني حتى يوارى جارتني ماواه. يعني عنثرة ابن - 00:08:35

بيغض الطرف عن ايه يستحي لما لما الجارة تخرج يعني انت مسلا جارتك خرجت من الشباك تنشر الغسيل ولا حاجة تتمثل بايه؟ ابيات عنثرة وتقول واغض طرفي ما ولدت لي جارتني حتى يوارى جارتني ماؤها ولا تطلع ايه - 00:08:51

تبخلق وتشوف يا جارتك لابسة ايه ولا عاملة ايه فهو يستحي منها. ماشي المرأة عورة فاذا خرجت استشرفها الشيطان. يعني ايه بقي يعني ايه استشرفها اصل الاستشراف والنزr للشئ انت ايه - 00:09:09

تبص على حاجة استشرفها الشيطان يعني نظر اليها ليغويها ويغوي بها نظر اليه قيل اي زينها في نظر الرجال. ده معنى استشرفها الشيطان وقيل اي نظر اليها ليغويها ويغوي بها - 00:09:28

يعني اول حاجة معنى استشرفها الشيطان يعني زينها في نظر الرجال يعني الشيطان له شغل على البنت اللي ماشية في الشارع دي بيعمل فلتر عارف فلتر بتاع الصور ده؟ هو فيه فلتر شيطاني كده. انت بتشوفها دي ما بعد التزيين الشيطان. يعني هي مش حلوة كده

في الحقيقة - 00:09:47

الشیطان عامل ایه عامل فلتز علیها ماشی؟ ده ایه؟ التزیین. معنی استشرفه الشیطان. او المعنی الثاني نزر الیها لیغویها ویغوی بها. یزین شکلها فیغویها هی نفسها تمیل مائلات زی ما قلنا فی الدرس الی فات مائلات ممیلات هی تمیل - [00:10:06](#)

وتکون سبب فی ایه فی میل غیرها من الرجال والنساء یعنی الرجل یتفتن بها والمرأة کما ان ایه تفتن بها. البنت المحجبة تفتن بها طیب قال والمعنی ان المرأة یتستبح یتستبح بروزها وظهورها فاذا خرجت امعن النظر الیها - [00:10:31](#)

یغویها بغيرها ویغوی غیرها بها لیوقعهما او احدهما فی الفتنة او معنی استشرفها الشیطان یرید به ایه شیطان الانس یعنی اول لما المرأة تخرج استشرفها الشیطان. شیطان مین الناس الزئاب البشرية - [00:10:58](#)

تشریها الشیطان قال یرید بالشیطان شیطان الانس من اهل الفسق سماه به علی التشبیه انه یفعل فعل ایه؟ الشیطان فدی من العقوبات یعنی فی عقبة النفس وعقبة الشیطان الی یزین. العقبة الثالثة المجتمع والضغط المجتمع وصحبة سوء - [00:11:23](#)

وده برضو لازم ابقى فاهم شف کم الضغط الی علی البنت فیه بس فی ایه؟ فی امر الحجاب ده ان هی اه حاسة ان هی غریبة هی عایزة ایه تفید ان المجتمع. عایزة تتعایش - [00:11:47](#)

تخرج خروجات معینة والحجاب بتاعها ده مش راکب فی المكان ده. النقاب مش ماشی فی فی المكان ده. مش هینفع ضغط المجتمع علیها نظرة المجتمع لها بتختلف یعنی کل ما هی بتوسع فی لبسها تلبس مسلا خمار اه بتتعامل لها نظرة معینة لابسة النقاب لها نظرة معینة. فکل ده ایه؟ ضغط المجتمع - [00:12:00](#)

ده ایه بیؤثر هی عشان تخالف المجتمع غالب المجتمع وتتحمل الضغط ده ده محتاج قدر معین من الايمان هی تقول خلاص انا یعنی یعنی اهلها فی البيت آآ مش مش موافقین - [00:12:24](#)

الاغلب فی الشارع عکس الی هی لابساه فلو ما فیش صحبة صالحة شایفة فیها نماذج حوالیها کده هیبقى الامر ایه؟ صعب فده من العقوبات یعنی کل ده احنا مش بنتکلم بالتفصیل عن ایه؟ عن علاج عقبة عقبة. عقبة النفس وعقبة الشیطان والمجتمع. بس خلینا احنا بس ایه - [00:12:43](#)

یعنی دی رؤوس اقلام کده. خلیها هی تفکر بقی ازای ان انا اتخطی العقبة بتاعة المجتمع. او ابقى انا فاهمة ان انا اجتمعت علی ثلاث اربع عقبات تبقی الامر اصعب - [00:13:02](#)

من من العقوبات ضعف الايمان والاصرار علی المعاصي ازای یعنی یعنی هی مصررة علی ذنب معین فالاصرار علی الزنب من اسباب من اسباب ان الانسان لا یقوی علی فعل الطاعة - [00:13:16](#)

بس ده اثم وعقوبة وتتحول ان هی مثلا لو صغيرة تتحول لکبيرة لا هی مش قادرة تأخذ الخطوة بتاعة الحجاب او ان هی توسع لبسها بسبب ایه؟ بسبب معصية او هی او هی عایزة تقلع الحجاب علشان فی ذنب ثاني هی ایه - [00:13:37](#)

مصررة علیه ربنا سبحانه وتعالی قال آآ عن حال آآ من تولى یعنی هرب یعنی فی يوم احد قال تعالی ان الذین تولوا منکم يوم التقی الجمعان انما استذلهم الشیطان ایه - [00:13:56](#)

ببعض ما کسبوا یعنی الانسان یقع فی الزلل هی دلوقتی هی دلوقتی بدأت تسیب مثال یعنی بدأت تسیب ورد القرآن وكانت بتصلی الفجر بتصحی تصلی الفجر وبعیدین بدأت ایه؟ تنام عن صلاة الفجر - [00:14:17](#)

الازکار ازکار الصباح والمساء وقعت كانت بتحفظ قرآن بطلت تحفظ قرآن. ده ایه ده الحماية بتاعتها. کان فیه صحبة وکان فیه درس؟ ما فیش. خلاص بعیدین بدأت ایه بتتساهل بتبص علی الحرام بتتفرج علی افلام ومسلسلات رجعت تسمع اغاني ثاني آآ بدأ یمقی فیه کلام غیبة ونمیمة - [00:14:34](#)

شوف یا داخله ایه فی ذنوب معینة. فجأة تلاقی نفسها عایزة تقلع الحجاب وتقول انا حاسة ان انا مش طایقة الحجاب. مش طایقة النقاب. طب ما انت بقالك سنین لابساه - [00:14:55](#)

وکان سهل علیک ومیسر. ایه الی خلانی دلوقتی مش قادرة ان انا البسه انا محتاج ان انا اراجع الذنوب بتاعتی فکر وده عموما فی ای طاعة دلوقتی انا مش حاسس ان انا عندی رغبة فی طلب العلم. مش حاسس ان انا عندی رغبة فی حفز القرآن. یمقی انا اراجع

فانا ممكن دلوقتي الزنب ده هو الحاجز العائق اللي بيني محتاج اتوب يعني انا مش عايز اقلع الحجاب علشان الحجاب نفسه تقيل علي لأ علشان انا دلوقتي محتاجة ان انا اتوب من زنوب معينة - [00:15:28](#)

تميل العقبات ضعف الايمان والاصرار على المعاصي. من العقبات الحملات التشويه العالمية. وانا انصح الاخوات يعني آآ ان البنات تقرأ كتاب الحجاب لدكتور سامي عامري قال العنوان للكتاب اسمه والحجاب شريعة الله في الاسلام واليهودية والنصرانية - [00:15:43](#)

والشيخ ذكر فيه اه اه بداية يعني فرضية الحجاب وبعدين نتكلم عن شبهات من الشبهات المثارة حول الحجاب قال منها ان الشبهة الاولى الحجاب شريعة رجعية وبدأ يفصص بقى يعني ايه كلمة رجعية ويرد عليها على الشبهة دي بامسلة في غاية الجمال -

وبعدين ذكر ايه ان الحجاب الشبهة الثانية ان الحجاب امتهان لكرامة المرأة وفكرة الحريات والشبهة الثالثة ان الحجاب تزمت نوع من التشدد الشبهة الرابعة الحجاب يمنع المرأة من التعبير عن رأيها - [00:16:27](#)

والشبهة الخامسة الحجاب في القلب فالشيخ جمع الخمس شبهات دول وبدأ ايه يرد على كل شبهة من شبهات وبعدين بعدها ذكر بقى ذكر الحجاب في التوراة وفي الانجيل في الكتب ايه الكتب السماوية السابقة - [00:16:44](#)

فانصح يعني بقراءة الكتاب طيب يبقى احنا قلنا من الموانع العقبات ايه تاني اول حاجة ايه النفس تاني حاجة الشيطان اه المجتمع والصحة ضعف الايمان الحملات التشويه العالمية من العقبات ودي حاجات يعني ايه داخله شوية في موضوع الايه؟ الايمان -

آآ الخوف من تعطيل الرزق يعني هي خيفة ان هي انا لو اتحجبت او لبست لبس معين انا مش هتجوز مسلا يجي لي عريس او هي حاطة طموح معين في العمل الديوي - [00:17:31](#)

والطموح المعين في العمل الديوي ده ده بيتعارض مع آآ لبس حجاب معين. يعني مش هتعرف مسلا ان انا اشتغل الشغلانة دي وانا منتقبة او انا لابسة خمار مسلا فالتالي انا ايه - [00:17:47](#)

انا مؤجلة او لغيت فكرة الحجاب اللي بالشكل ده علشان ايه علشان عندي طموح دينوي معين عايز احققه فحصل هنا ايه تعارض بين طموحها الديوي نفسي ابقى في في مركز معين - [00:18:01](#)

او يبقى ليا معين والحجاب بيتعارض مع ده فعمل ايه فخلاص انا هرضى بالحجاب اللي هو مش حجاب علشان اوصل للطموح الديوي هذا تعارض فده ده من العقبات او هي متصورة ان في لو انا لبست الحجاب او لبست النقاب انا كده مش آآ - [00:18:20](#)

مين اللي هيشوفني مش هيجيلي عريس وهي امها حتى بتقول لها كده قولي لها يا بنتي طب يعني عايز تلبسي النقاب؟ يعني لو الام يعني طيبة اوي هتقول لها عايزة تلبسي النقاب بس بعد ما تتجوزي - [00:18:46](#)

لو هي يعني متسامحة معها في موضوع النقاب يعني فده الانسان يتعامل معه ازاي؟ لا ده هنا احنا محتاجين اصلا ايه انت ترجع ترتب الاولويات. يعني انت لما يتعارض الحجاب مع العمل الديوي. الشغل الديوي او مستوى معين من الدخل هيدخل لك من شغلانة

يبقى انا بقدم ايه وربنا سبحانه وتعالى قال بل تؤثرن الحياة الدنيا والاخرة خير وابقى يعني الاحسن لي والاثقل في ميزاني والارضى لله سبحانه وتعالى. ان انا اقدم الحجاب واقدم طاعة ربنا سبحانه وتعالى - [00:19:18](#)

وان انا اقدم الاخرة على الدنيا والرزق بيد الله سبحانه وتعالى يعني يعني هي المنتقبة يعني مش ما بتتجوزش النبي عليه الصلاة والسلام قال آآ قال صلى الله عليه وسلم ان روح القدس - [00:19:34](#)

نفس في روعي ان نفسا لن تموت حتى تستكمل اجلها ورزقها قال فاتقوا الله واجملوا في الطلب قال ولا يحملن احدكم استبطاء الرزق على ان يطلبه بمعصية الله يعني الرزق تأخر - [00:19:54](#)

فده ما يدفعش الانسان ان هو يطلب الرزق بالمعصية يعني فاكدة كده لما هي هتلبس لبس ما يرضيش ربنا سبحانه وتعالى وتترزين

وتبدي الزينة في الشارع وتصاحب ولاد ان ده هيكون سبب في جلب الرزق - [00:20:17](#)

ما عند الله لا ينال الا بطاعته لا يحملن احدكم استبطاء الرزق على ان يطلبه بمعصية الله تعالى فان الله تعالى لا ينال ما عنده الا

بطاعته ومعلش يعني سؤال هو العريس اللي هيحي بالشعر بالميك اب وباللبس - [00:20:34](#)

ده هيبقى جاي عشان ايه يعني لو انت عايزة انسان صالح انسان يتقي الله انسان بيحافظ على الصلاة انسان بياكل من حلال انسان

تأمني على نفسك معه ده ده الشخص اللي بالصفات دي - [00:20:57](#)

هيحي لطريقة اللبس دي ودي نقطة مهمة يعني انت انت راجل دلوقتي شاب مسلا الحمد لله بتتقي الله عز وجل ونفسك ان انت

تكون انسان ملتزم وبتراعي الحلال والحرام لما - [00:21:14](#)

لما تروح تتقدم لبنت وبتدور على زوجة تدور على واحدة يعني يعني يعني لو انت الشاب الملتزم اللي مهتم العلم ومهتم بالتدين

ومهتم ان انت تقرب من ربنا لو انت مش هتدور على واحدة منتقبة مسلا - [00:21:28](#)

او واحدة لابسة لبس محتشم مين اللي هيدور عليها يعني حاجة ممكن تتفاجأ ان شاب مسلا يقول لك ايه لا انا مش عايز اتجوز

واحدة منتقبة. ليه يا حبيبي مش عايز تتجوز واحدة منتقبة - [00:21:47](#)

يعني لما انت مش هتدور على المنتقبة مين اللي هيدور على المنتقبة يعني دي مشكلة تفاجأت ان شباب والمفروض ان هو ملتزم

يقول لا انا مش آا اصل انا يعني مش عايز اتجوز واحدة منتقبة. ليه يا حبيبي مش عايز تتجوز واحدة منتقبة - [00:22:00](#)

فالاصل ان انت ايه انت هتدور هتدور على المنتقبة اللي جاهدت نفسها وجاهدت المجتمع وحاولت ان هي تثبت على ده تدور عليها

وده سهل وميسر يعني مش مش حاجة صعبة يعني ان الانسان يشوف واحدة منتقبة يبقى في رؤية شرعية وده له يعني ده له ايه؟

له مجاله يعني - [00:22:17](#)

المهم ان احنا قلنا الخوف من تعطيل الرزق ده من العقوبات شغل بقى الزواج آا ده ازمة في عدم ترتيب الاولويات الحاجة اللي بعد كده

احنا قلنا فكرة حب الزينة لازم افهم ان ده ابتلاء - [00:22:38](#)

اختبار يعني لازم البنت تفهم ان ده امتحان. يعني انا دلوقتي ربنا سبحانه وتعالى ركب في الانسان شهوة معينة وبيختبر فيها فما

ينفعش ان انت تفضلي طول حياتك بتفشلي في الاختبار ده - [00:22:57](#)

يعني ربنا سبحانه وتعالى قال ولا يبدن زينتهن الا ما ظهر منها ولا يضربن بارجلهن ليعلم ما يخفين من زينتهن ما ينفعش تفضلي

طول حياتك ما بتمتسليش الاية دي يعني ربنا يقول ولا يبدن زينتهن المكان ده ما ينفعش تزهر في الزينة. انا اروح ايه؟ اخالف امر

ربنا وافشل في الاختبار - [00:23:15](#)

طب هتنجحي امتي يعني ده امتحان ده ابتلاء الذي خلق الموت والحياة ليبلوكم ايكم احسن عملا. فاختبارك في مسألة التحكم في

الشهوة دي زي ما احنا بنقول للشباب ايه انت امسك نفسك غض بصرك - [00:23:38](#)

الشهوة اللي عندك دي لازم ان انت تصرفها في الحلال تتقي الله عز وجل زي ما هيحي معنا في قول الله سبحانه وتعالى وليستعذف

الذين لا يجدون نكاحا تمام طيب من العقوبات بعض الافكار يعني افكار وشبهات ممكن تبقى في نفس البنت - [00:23:56](#)

زي مسلا ايه؟ والله انا كان لي تجارب سيئة في التعامل مع المحجبات. تعاملت مع بنت محجبة او بنت منتقبة ولقيتها اخلاقها وحشة

قوي طيب يعني مش فاهم ايه علاقة ده بالحجاب - [00:24:17](#)

يعني انا لو انا اتعاملت مسلا مع شيخ بيصلي مسلا او اخلاقه وحشة فخلاص يبقى انا مش هصلي او واحد مسلا ملتحي لقيت اخلاقه

وحشة يبقى ده يبقى انا هالغي اللحية - [00:24:31](#)

ده ما لوش علاقة يعني هي هي اخلاقها سيئة عادي في مسلمين آا بيسكروا وفي مسلمين بيشربوا آا آا خمرة ومخدرات في مسلمين

بيزنوا في مسلمين بياكلوا الربا في مسلمين ما بيصلوش - [00:24:43](#)

يعني هو الاسم مسلم لكن هو مصر على كبائر من كبائر الذنوب. فهل معنى كده ان خلاص يعني الاسلام هو اللي فيه مشكلة او

الحجاب هو اللي فيه مشكلة فده يعني ده ده من مداخل الشيطان منها - [00:24:58](#)

ان هي تقول ايه؟ انا خايفة ان انا لو لبست الحجاب انا مش هسبت عليه يعني هقلعه تاني وده برضو من المداخل الشيطانية يعني هي مش عايزة تلبسه خايفة ان انا اقلعه. او لو لبسته مش هلبسه ايه بالصورة - [00:25:14](#)

الكاملة فالاحسن ان انا ايه ما لبسوش خالص او لو لبسته هقلعه تاني فالاحسن ان انا ما لبستش خالص ده مش صح يعني دي دي افكار شيطانية علشان تمنع الانسان. خايفة ان انا اقلعه قدام. يعني لو الفكرة نفس الفكرة هتطبقها على اي عبادة مش هتعملها -

[00:25:28](#)

هاجي اصلي اقول لا انا خايف ان انا بعد لما اصلي شوية اه ابطل صلاة فاجي اطلع الصدقة واقول لا انا خايف ان انا اتصدق فايه بعد كده ابطل صدقة قدام. فخلاص انا مش هتصدق احسن. اجي اصوم رمضان اصل انا ايه خايف ان انا اجي عند بعد خمسة رمضان كده ازهق وما اكملش - [00:25:47](#)

مش هصوم اصوم مش هصوم من البداية احسن احنا احنا قلنا الدرس اللي فات ان انا بتعامل اصلا تعامل ان انا ايه ان انا عبد يعني ما انساش ده - [00:26:07](#)

واحيانا كتير بتبقى بس هي ايه هي بس تكسر الحاجز وربنا سبحانه وتعالى بيثبت الانسان وكام بنت كان نفسها ان هي تزود مسلا خطوة زيادة في الحجاب توسع لبسها زيادة تلبس عبايات تلبس حاجة واسعة وكان في البداية الموضوع صعب جدا وفي حرب مع الشيطان اول ما - [00:26:20](#)

بتاخذ الخطوة ربنا سبحانه وتعالى بيبسر لها الامر ويشرح صدرها له ويثبتها عليه طيب يبقى احنا قلنا كده ان آآ نوع الشغل الخوف من عدم الثبات آآ احيانا موضوع اللبس ده يعني يعني ممكن يصل مع بعض الناس لدرجة العبودية. زي ما النبي عليه الصلاة والسلام قال تعس عبد الدينار. تعس - [00:26:38](#)

درهم. تعس عبد القطيفة والخميصة ففي واحدة هي بقت بتعبد الموضة الهدوم طريقة اللبس فدي عبودية يعني هي فاكدة ان انا كده لما مش هلبس الحجاب اللي هو الشرعي ده انا كده متحررة - [00:27:03](#)

في المقابل انا عبد لايه انا عبد الموضة اه الاسياد اسياذ الموضة الهة الموضة عند الغرب البراندات العالمية هو اللي بيحط لي ايه طريقة اللبس يعني المايوهات هتبقى شكلها كذا - [00:27:23](#)

والفستان هيبقى شكله كذا وهيبقى مفتوح من كذا لكذا. هي هو اللي بيحدد السنة دي الموضة ايه. انا اللي هقول لك تكشفني ايه وتغطي ايه فانا بعمل ايه انا خلاص انا قلت ان انا حرة فانا مش مش هلتزم امر الشرع. اللي قال لي غطي كذا - [00:27:45](#)

لأ انا حرة بس بعمل ايه انا في عبودية تانية عبودية الموضة. هو قال لي ده دي الموضة السنة دي يعني لو جه السنة دي قالوا الموضة السنة الجاية مسلا ان البنات الممسلات والفنانات يلبسوا فساتين مستورة جدا من اول رقبتهما لحد - [00:28:05](#)

لحد ايديها ورجليها كل شيه مستور وحاجة واسعة هي تعمل ايه هتمثل امتسالا لامر ايه الموضة فبقى ده ده بالنسبة لها اله زي الهوا كده وهو متصور ان انا حر لكن هو مش حر في الحقيقة - [00:28:24](#)

النبي عليه الصلاة والسلام قال ان في انسان بيعبد الخميصة. اللي هي نوع القماش اللبس المزهر بتاعه قدام الناس قال تعس عبد الدينار والدرهم والقطيفة والخميصة ان اعطي رضي وان لم يعطى لم يرضى - [00:28:43](#)

من العقبات ممكن واحدة تبقى مسلا مصاحبة فتلاقي مسلا الولد اللي هو صاحبها ده اه او هي مسلا كان نفسها تتجوز ولد معين فيقول لها بس يعني لو ما كنتيش - [00:29:02](#)

وده يقال يعني آآ اخت من الاخوات بعنت الرسالة دي ان ان بنت اتقال لها كده لو ما كنتيش بس محجة انا كنت ايه كنت اتقدمت لك واتجوزتك فتقلع الحجاب علشان ايه - [00:29:15](#)

علشان الحب دافع الحب ده هي عايزة فلان وده اي يعني اي مروءة واي دين واي نخوة ان ان دي تبقى همة الرجل وده طلبه ان عايز عايز البنت تبقى - [00:29:32](#)

زوجته تبقى مراته وام عياله وحبيبته ان هي تبقى ايه تبقى بتتعرى قدام الناس. حكيت لكم انا على الشاب اللي كان معنا في مرة في

في المسجد في العشر الاواخر وكنا نتكلم فتحنا الكلام عن الزواج واختيار الزوج - 00:29:47

وكده فقال لآ انا مش عايز واحدة محجة خالص يعني من البداية. فقلت له ليه يا ابني مش عايز واحدة محجة ليه قال لي علشان
علشان تبقى في شهر العسل يعني ايه - 00:30:00

تبقى براحتها بعدين بقى بعد ما نرجع من شهر العسل تبقى تتحجب علشان هو في دماغه تصور معين ان مراته نازلة معه البحر
بالمايوه كده قدام الناس في شهر العسل - 00:30:13

وان هي لابسة براحتها ولابسة الشورت ومش عارف فهو ايه في دماغه ايه ان انا هاخدها امشي بها في الشارع كده عادي هو عايز
يعيش تصور معين في دماغه طب فين بقى الدين والنخوة والمروءة والغيرة والكلام ده هو مش مشكلة - 00:30:24

تبقى تلبس بعدين او انت هتلبس انت بعدين يعني عادي ما هو تيجي بعدين انت تقول لها طب بقى البسي واتحجبي تقول لك انا هو
انت واخديني كده هتيجي هتعمل فيها شيخ دلوقتي هتقلب فيها شيخ انت واخديني كده - 00:30:41

طيب يبقى آآ نظرة المجتمع مش هعرف التزم بالحجاب الشرعي فبلاش آآ كسرة التعرض لمحتوى حجاب حجاب موديلز فهي الاخت
طالعة يعني ايه هي بتحجب الناس في الحجاب. وانا صراحة لي وجهة نظر - 00:30:57

ان ان ده كله ايه؟ كلام فاضي اللي عايزة تلبس الحجاب هي بتلبس الحجاب مش علشان انا هيبقى شكلي حلو بالحجاب مش
معنى كلامي مش معنى كلامي ان هي ما تلبس شنطة شيك وجزمة شيك وان هي تحافظ تلبس عباية محترمة وحاجة غالية جدا

هاتي اغلى حاجة - 00:31:23

واغلى خمار واغلى طرحة واغلى عباية واغلى نقاب واغلى شنطة زي ما انت عايزة وسعي على نفسك معك فلوس اشتري زي ما انت
عايزة ما فيش مشكلة لكن برة البيت محتشمة - 00:31:43

مش الغرض ان انا ابقى ماشية آآ شدة انتباه الناس. يعني انا بستغرب واحدة لابسة النقاب وتلاقيها تقوم عاملة اللفة اللي هي او آآ
بتاعة النقاب اللي هي تلاقيها نازلة على الجنب كده. شكلها ملفت. انا - 00:31:55

مش بتكلم في حكمها حكمها الشرعي ايه؟ والمشايخ اجازوها ولا لا؟ مش بتكلم في ده. انا بسأل سؤال ليه يعني انت عايزة تبقي
شكلك مميز بالنقاب ليه ما تلبسي النقابة عادي - 00:32:08

لأ انا لازم اشد الانتباه هي الشهوة دي شهوة ان انا حتى وانا منتقبة تلاقيها لابسة النقاب ومكحلة عينيها ولابسة مش عارف ايه يا بنتي
ده هو مفهوم الحجاب ان انت ما تبقيش فتنة للشباب - 00:32:23

ان انت ان انت لا تثيري الرجال الا جانب ده المفهوم الاحتجاب ده الاحتشام ولا يبين زينتتهن لكن خليت الحجاب نفسه هو نفسه زينة
لنفسه مش بتكلم على ان انت لا تبقي يبقى لك سمت كويس وتبقي مهندمة وهدومك مكوية انا بتكلم علشان فاهم ان انا بقول الكلام

ده وهتيجي واحدة تقول يعني انت تقصد ان احنا - 00:32:41

نبقى متبهدين انا اصلا ما قلتش كلمة متبهدين خالص انا بتكلم على الاحتشام بتكلم ان الحجاب نفسه اه حجاب مودل وتلاقيها
واقفة واخدة اه وضعية معينة وتلف مش لفة ايه ده - 00:33:07

ده ده يعني ده انا شايف ان ده تهريج ده غلط انا مش الغرض ان انا اخلي البنت عايزة تلبس الحجاب علشان انا برضو لما هلبس
الحجاب عايز ابقى فاتنة وشكلي حلو بالحجاب - 00:33:22

احنا عايزين نربي الناس على العبودية على العبودية. يعني ايه؟ يعني انت هتلبس هتلبسي الحجاب علشان ايه علشان ده امر ربنا
سبحانه وتعالى علشان تدخل الجنة وعلشان يبقى فيه اه اه نجاة من النار - 00:33:38

واضح الكلام بعيد تاني اتهدمي زي ما انت عايزة والبسي لبس آآ محترم ولبس غالي زي ما انت عايزة لكن خليكي محتشمة خليكي
محجة آآ يبقى امر الدين يبقى فيه جدية - 00:33:56

ماشي فكثرة التعرض للمحتوى ده ده مفسد للقلب يعني هسأل سؤال مسلا هسأل لو لو من البنات اللي بتسمع بنت منتقبة وتلبس
آآ خمار واسع او بتلبس آآ ادناء - 00:34:11

وعبايات سودا مسلا لو هي اختارت اختيار ان هي بتلبس السواد شيه مثلا اسطر يعني او الوان غامقة مسلا يعني كويس لو هي

اختارت الاختيار ده وبعدين هي بتتفرج على البنات - [00:34:29](#)

البت اللي واخدة مسلا بقول جواز كشف الوجه والكفين. وهيجي معنا دلوقتي في النص الثاني من الدرس تفصيل الاية لو هي بتتفرج على هي بقى لابسة الفستان والالوان ومش عارف ايه وطريقة اللبس. واللبس اللي هو احيانا يببقى فيه اوقات كثير مخالف -

[00:34:43](#)

لضوابط الحجاب نفسه هي بتحس بايه البنت دي هي تتأثر يعني هي ممكن تبقى عايزة تقلع النقاب او عايزة تغير لبسها مش عايزة

تلبس عبايات تاني بسبب ان هي بتتفرج على الصور دي. فكثرة التعرض للبلوجرز والحجاب موديلز - [00:35:02](#)

والكلام ده ده من اسباب الفتنة طيب اه من الشبهات برضه شكلي وحش بالحجاب حجاب هيقبل فراسي في الزواج انا لسه صغيرة

اعيش سني هتجرب بعد الفرع حق المبعثين يخلف - [00:35:19](#)

خلاص انا بقيت من القاهرة قاعد كده خلاص يعني آآ لسه مش كويسة في علاقتي بربنا كفاية فانا محتاجة ان انا ايه اقوي علاقتي

بربنا اكرت آآ الجو يببقى حر في الصيف فانا يعني ده صعب بالنسبة لي - [00:35:37](#)

ان انا اتجرب واتحمل الحر ده قال الله يعني يعني يعني انا اقول اية شديدة شوية يعني ربنا سبحانه وتعالى لما لما خاطب اهل

النفاق اللي كانوا مش عايزين يطلعوا مع النبي عليه الصلاة والسلام في الغزوة في غزوة تبوك علشان ايه - [00:35:52](#)

عشان الجو حر وقال قال تعالى فرح المخلفون بمقعدهم خلاف رسول الله وكرهوا ان يجاهدوا باموالهم وانفسهم في سبيل الله زي

اللي كرهت ان هي ايه تلبس الحجاب عشان الحر - [00:36:11](#)

وكرهوا ان يجاهدوا باموالهم وانفسهم في سبيل الله وقالوا لا تنفروا في الحر قال تعالى قل نار جهنم اشد حرا لو كانوا يفقهون يعني

اللي تقول اصل الجو حر طب ما حر النار اشد - [00:36:29](#)

حر النار اشد ولسه ربنا ما هدايش وشعري مش فتنة او مسلا تقول اصل انا جوزي ببشوف آآ بنات كثير مش محجبات اه لا مش

عشان ما بيتفتنش عادي فانا لازم ان انافس - [00:36:46](#)

البنات اللي هو ببشوفها فانت بقى يا مسكينة هتنافسي مين ولا مين؟ اذا كان هو زوجك لا يتقي الله لا يغض بصره عن الحرام

هتنافسي مين ولا مين بقى انت كده هتبقى دايم في منافسة - [00:37:03](#)

طب اتفرجي على الممثلات والمغنيات آآ اللي مش لابسين حاجة فانت عايزة تبقي زيهن ففين الدين بقى؟ يعني ده فين الدين في ده

يعني هو بيطلق بصره في الحرام وهو يحاسب - [00:37:18](#)

انا اضيع بقى اخرتي علشان اه علشان زوجي يبقى راضي عني وفي الاخر هو قلب الانسان ده بيد الله سبحانه وتعالى فما تضيعيش

اخرتك وما تضيعيش دينك علشان ايه علشان الزوج. طيب - [00:37:33](#)

من الحاجات اللي بتساعد الانسان ان هو يمثل لامر هو معرفة الثواب. ودايم احنا بنتكلم عن الحجاب بنتكلم عن في الغالب يعني

بنتكلم عن جانب التهريب اكرت وان ده ان زي ما احنا قلنا في الدرس اللي فات اه اه العقوبة وميزان السيئات - [00:37:48](#)

وان هي قدوة في الشر اه مائلات مميزات والكلام ده لكن محتاجين ان احنا ايه نقول للبنات ايه الثواب اللي هتاخديه من ورا الحجاب.

يعني لو هي لبس الحجاب خلاص - [00:38:06](#)

وبدأت تتخطى العقبات دي وعرفت ازاى تتعامل مع امر ربنا ايه الثواب اللي هتاخده العمل الصالح في زمان الشدة في زمان الفتنة

يتضاعف يعني كل ما كان كل ما كان الامر صعب - [00:38:23](#)

وفي مجاهدة كل ما كان الاجر بتاعه ايه كن اكبر عند ربنا سبحانه وتعالى فالحرب على الحجاب في في زماننا لان هو ايه يعني

من من شعائر الدين من شعائر الدين. فالحرب على الحجاب اللي هو رمز العفة ورمز الطهارة ورمز الاسلام. الحرب على الحجاب -

[00:38:41](#)

شرسة وقلنا ان في عقبات كثير فده زمن صعب فعلا فعلا امتثال البنت للامر ده في الزمن ده صعب يعني محتاج مجاهدة فعلى قدر

صعوبة الامر ده على قدر الاجر - 00:39:04

قال قال النبي صلى الله عليه وسلم يأتي على الناس زمان الصابر فيهم على دينه كالقابض على الجمر هو بيشفو شف التشبيه ده القابض على الجمر الجمر لو لو ادحرج وهو - 00:39:25

وانت قاعد كده يا عم محمد على القهوة طالب ايه؟ حجرين معسل ماشي وبعدين ايه والراجل وهو بيحي راح راح الجمر ده ايه معدي كده دحرك كده بس ممكن ايه - 00:39:46

يحرق ايدك يعمل علامة فتخيل بقى ايه انت مسكت جمرة كده مولعة مش بس حاططها على ايدك ده انت عملت ايه طبقت عليها كده. مسكتها جامد كده فالتشبيه ده تشبيه الانسان المتمسك في الزمن ده - 00:40:02

طبعا شرب العسل الايه لا يجوز يعني عشان بس ما نروحش ايه اه تاخذ فائدة ان انا اروح بس الجمر ما يتدحركش علي يعني. اه العظة. عشان انا اتعظ يعني - 00:40:23

قريب فشوف سبحان الله يعني شف تشبيه النبي عليه الصلاة والسلام كالقابض على الجرح. فاحنا يعني احنا بص بنقول للاخت الكريمة اللي هي مستصعبة الامر ده انت افكرتي الحديس ده - 00:40:35

وان ثواب العمل ده يتضاعف عند الله سبحانه وتعالى ان لا يا جماعة لا يستوي لا يستوي عند الله لا يستوي عند الله افمن كان مؤمنا كمن كان فاسقا لا يستويون - 00:40:50

يعني ربنا سبحانه وتعالى لا يساوي بين الانسان اللي بيجاهد النفس ويخالف الهوى ده يعني هي دي ده الاختبار ده الامتحان يعني اللي سابت نفسها وما تعبتش وما جاهدتش نفسها وخالفت هواها هتساوي بالبت الثانية اللي جاهدت نفسها احنا بنتكلم في الحجة دي - 00:41:04

هي ممكن تكون كويسة في حاجات تانية ما فيش مشكلة يعني اخلاقها كويسة طيبة بتعمل خير ما فيش مشكلة لكن انا بتكلم في العمل ده ده هيسوي مع ده لا يستوي عند الله - 00:41:30

يعني اللي بيصلي في المسجد في الصف الاول بيروح مسلا بدري وبيصلي السنن بيسبغ الوضوء بيقول الزكر ويروح بدري ويصلي السنة ويدعي بين الازان والاقامة ويصلي في الصف الاول ويقعد يختم الصلاة ويصلي السنة البعدية - 00:41:43

ده هيسوي مع اللي جاي في الركعة الثالثة وهو قاعد قاعد سامع الازان زي حالاتنا كده نازل متأخر ده هيسوي مع ده في الدرجة في الصلاة بس في العمل ده - 00:41:57

لا يستويون انت لو دخلت يعني بتحل السؤال هبديت فيه كلمتين وانت مش مزاكر ده هيسوي مع شخص تاني اللي مزاكر وبيرتب وكاتب بخط كويس وراسم الرسمة حلو لا يستويون - 00:42:09

فده شيه منطقي. فبلاش تعيش الوهم اللي هو ايه؟ انا هلبس زي ما انا عايزة في الدنيا وهاخد اللي انا عايزاه في الاخرة اخبرها زي ما انا عايز وياه ما فيش مشكلة - 00:42:25

ياخذون عرض هذا الادنى ويقولون ايه اه سيغفر لنا ده ايه ده مين قال لك كده فالنبي عليه الصلاة والسلام قال يأتي على الناس زمان الصابر فيهم على دينه كالقابض على الجمر. الحاجة الثانية ان امتثال الامر - 00:42:39

كسال امر فعل الفرض احنا قلنا ان ترك الامر من الكبائر ترك الواجب من الكبائر وان ده من من اسباب الذم والعقوبة زي ما اتكلمنا عن الشيطان ان هو ايه - 00:43:00

ابى واستكبر ففعل الفرض من اعظم القربات الى الله يعني شيه جميل ان انت تكوني انسانة طيبة وان تكوني انسانة آآ اخلاقك حلوة. وان انت بتأكلي القطط في الشارع. وان انت آآ بتعملي قوافل خيرية وبتعملي اعمال طيبة - 00:43:15

كل ده شيه جميل كل ده شيه طيب واعمال صالحة. وده من شعب الايمان ماشي؟ لكن في اعمال فرض واجب تواجب علي انا لازم اعمله يعني لازم اصلي. ده مش بمزاجي. لازم اتحجب ده فرض - 00:43:34

فانا قاعد اعمل ايه؟ قاعد احل سايب الاسئلة الاجبارية وقاعد احل في ايه في الحاجات اللي هي الزيادة الاسئلة بتاعة اللي في الاخر

دي ما تعمل الفرض اللي عليك اعمل الواجب اللي عليك - 00:43:53

وبعدين اللي هيتبني عليه بعد كده ده بقى يعني سلام ده انت زرعت الشجرة الاساسية وبعدين بقى خرجت بقى ايه الثمار شعب بقى الايمان بقى آآ قول لا اله الا الله اماطة الازى عن الطريق حياء شعبة من الايمان. فانا بدأت بقى ايه؟ اجتهد في الاعمال الصالحة بعدها.

لكن بس اعمل ايه؟ اعمل فرض - 00:44:06

دعم الفوردي قال قال النبي صلى الله عليه وسلم قال الله عز وجل من عاد لي وليا فقد اذنته بالحرب وما تقرب الي عبدي بشيء احب

الي مما افترضته عليه - 00:44:27

يعني انت عايزة تقربي من ربنا جمعي كده رتبي اولويات الاعمال الصالحة اول حاجة ايه الفروض الواجبات يعني شوفي اخبار اخبار

بر الوالدين ايه اخبار الصلاة ايه اخبار الحجاب شف الفرض اللي عليك - 00:44:42

ما تقرب الي عبدي بشيء احب الي مما افترضته عليه. احنا مش هنعبد ربنا على مزاجنا احنا انا عبد لله ربنا امرني بكزا اسمع واطيع

وده من اكثر الحاجات اللي ربنا يحبها - 00:45:05

ومن اكثر الحاجات اللي تقربني ما تقرب الي عبدي بشيء احب الي مما افترضته عليه وما يزال عبدي يتقرب الي بالنوافل حتى احبه

فيبقى ده اللي ايه ما يزال خلاص لبست الحجاب بدأت بقى ايه تقرأ قرآن تحفظ قرآن آآ تعمل تتعلم العلم آآ تتصدق تصل الرحم تعمل

الاعمال الصالحة دي - 00:45:21

ما يزال عبدي يتقرب الي بالنوافل حتى احبه فاذا احبته كنت سمعه الذي يسمع به وبصره الذي يبصر به ورجله التي يمشي بها. ويده

التي يبطش بها وان سألني لاعطينه - 00:45:48

ولئن استعاذني لاعينده يبقى بداية الحديث ده اللي هو في الاخر بقى ايه؟ ان حفز الجوارح واستجابة الدعاء والحفز ان تستعيز

بالله من شر شيء. انت خايف منه ربنا بدايته كان ايه - 00:46:07

بداية الفروض بدايته الواجب فيبقى ده الاجر يبقى الثواب قلنا امتثال الامر في زمان الصبر الاجر بتاعه يتضاعف الواجبات من اعظم

القربات ما تقرب الي عبدي بشيء احب الي مما افترضته عليه. الحاجة الثالثة - 00:46:24

لبس الحجاب من اسباب دخول الجنة يعني ده عمل الحياء والعفة والاحتشام من اسباب دخول الجنة والدليل قول الحديث اللي فات

اللي معنا وفي حديث في البخاري عن عطاء ابن ابي رباح قال قال لي ابن عباس رضي الله عنهما - 00:46:46

قال الا اريك امراة من اهل الجنة ابن عباس بيقول لعطاء ابن ابي رباح من تلاميذه الا اريك امراة من اهل الجنة؟ يعني المرأة

دي عملت اعمال والنبي عليه الصلاة والسلام قال عنها انها من اهل الجنة بسبب ايه - 00:47:12

بسبب العمل ده فقلت بلى قال هذه المرأة السوداء اتت النبي صلى الله عليه وسلم فقالت اني اصرع واني اتكشف. يعني ايه اني

اصرع واني اتكشف يا عم محمد في اسرع يعني - 00:47:33

يعني يبجي لها صرع نوبات صرع او هي وهي آآ ربنا يعافينا في نوبة الصرع دي ايه اللي بيحصل لجسمها؟ تتكشف بيتكشف مرمغ

في الارض وجسمها بيزهر اني اصرع واني اتكشف - 00:47:49

يعني عندها مشكلتين المشكلة ايه صرع ومشكلة في التكشف تكشف الجسد قالت فادعوا الله لي فقال صلى الله عليه وسلم ان شئت

صبرت ولك الجنة وان شئت دعوت الله ان يعافيني - 00:48:06

يعني لو تصبري على البلاء ان شئت صبرتي ولك الجنة. وان شئت دعوت الله ان يعافيني فقالت اصبر فقالت اني اتكشف فادعوا الله

الا اتكشف فدعا له فهذه المرأة ابن عباس النبي عليه الصلاة والسلام قال عنها انها من اهل الجنة. وابن عباس قال ان المرأة دي من

اهل الجنة ليه - 00:48:26

علشان حاجتين علشان الصبر وعلشان ايه الحياء كنت عايز اتكشف يا جماعة وده والله العظيم سبحانه الله! يعني هذه المرأة هذه

المرأة آآ لا تحاسب في وقت الصرع يعني هي مرفوعة عنها القلم اصلا - 00:48:51

يعني وهي في نوبة الصرع هي لا تحاسب يعني لو تكشفت هي متكشفة ايه بارادتها لأهي لا تقصد ان تتكشف اصلا والقلم مرفوع

عنها لا تحاسب عن المجنون حتى يفيق - 00:49:14

ومع ذلك هي ايه مش عايزة ان هي مش عايزة ان هي جسمها يزهر فقارن ده يعني دي تيجي يوم القيامة في الميزان وتقارن بين البنت العاقلة المسلمة اللي هي بتحب ربنا وبتحب النبي عليه الصلاة والسلام وتؤمن بالله وباليوم الاخر. وتنزل من بيتها ايه -

00:49:29

متكشفة باختيارها هي هي عاملة ده تطلع قدام الناس على تيك توك وترقص وتغني وتعمل مش عارف والكلام يعني تخيل ده ده

يكون يعني ده باختيارها تنزل وتتكشف ودي تيجي يوم القيامة في نفس الميزان - 00:49:48

في نفس الميزان فده نموزج هذه المرأة من اصحاب النبي صلى الله عليه وسلم. صحابي نموزج ثاني لام سلمة رضي الله عنها وده من

الاحاديث العجيبة النبي عليه الصلاة والسلام قال من جر ثوبه خيلاء لم ينظر الله اليه يوم القيامة - 00:50:11

جر ثوبه خيلاء يعني تكبرا ماشي؟ لم ينظر الله اليه يوم القيامة فقالت ام سلمة زوج النبي صلى الله عليه وسلم فقالت فكيف يصنعن

النساء بذيولهن يعني النساء لما العباية بتاعتها نازلة ايه - 00:50:32

طويلة يعني على الارض حف في الارض فهي بتقول له يعني طب النساء ايه؟ بتقول للنبي عليه الصلاة والسلام. طب النساء تعمل

ايه؟ فكيف يصنعن النساء بذيولهن فقال النبي صلى الله عليه وسلم يرخين شبرا - 00:50:54

يعني تنزل ايه شبر فقالت ام سلمة رضي الله عنها اذا تنكشف اقدامهن ما هو ما هي لو مش نازل مش مغطي فقالت له طب ده كده

ايه القدم وجه القدم ايه - 00:51:10

هينكشف انا متخيل انا متخيل آآ ام سلمة رضي الله عنها وهي مسلا ايه تشوف البنات في اللبس في لبس الشارع مسلا بتاعنا عامل

ايه دلوقتي؟ البنات لابسة ازاي؟ مسلمات - 00:51:28

وانا متصور وهي بتقول ايه؟ اذا تنكشف اقدامهن. يعني حتى تلاقي في الحديث علامة تعجب كده يعني كأن هي ايه يعني ازاي

يعني ده القدم هتنكشف فقال النبي صلى الله عليه وسلم فيرخينه ذراعا - 00:51:42

لا يزدن عليه شوف شوف حياة ام سلمة رضي الله عنها وهي حريصة ان القدم ايه لا تنكشف طيب يبقى احنا قلنا ثواب الحجاب. اول

حاجة امتثال الامر في زمان الصبر. ثاني حاجة سبب الحب لله سبحانه وتعالى. ما يزال عبدي يتقرب الي بالنوافل حتى احبه. بعد ايه

- 00:52:01

بعد الفرائض قرب من الله حب الله سبحانه وتعالى. تالت حاجة سبب لدخول الجنة. رابع حاجة اه سبب لحسنات الجارية حسنات

الجارية يعني ايه يعني زي لما احنا بنقول ان البنت لما مسلا بتنزل الصوت بتنزل صورة لها وهي لبسها مسلا مش كويس او هي بتبدي

الزينة بتاعتها - 00:52:27

وشكلها ومش عارف ايه. كل شاب بيتفرج على الصورة دي هي ايه السيئات جارية يعني يعني الممسلة ولا المغنية ولا البنت العادية

اللي بتنزل صورة وعندها ايه الشباب بيتفرجوا على الصور بتاعتها وده بيقترب بيزوم وده مش عارف ايه ده اتفتن بها - 00:52:54

وده يتفرج على جسمها وده بيتفرج على شكلها. ماشي على على قد اللي شافها من الشباب على قد ما هي ايه اه دي سيئات جارية

وبعدين لو هي ماتت وسايبة بقى البروفائل بتاعها اه اه ده ايه - 00:53:12

ده عمل سيء جاري فيه ميزانها تمام فكدلك البنت اللي نازلة من بيتها لابسة الحجاب الشرعي الصحيح اللي يرضي ربنا سبحانه

وتعالى. طول ما هي خارجة من بيتها مسلا خارجة في حاجة خارجة في - 00:53:27

اه دراسة خارجة في خارجة مع اهلها فسحة خارجة في اي حاجة هي مش خارجة خروج يعني مش معصية ولا حاجة طول ما هي

لابسة الحجاب هي ايه هي في طاعة. يعني زي ما انت مسلا ايه بتصلي. الله اكبر. طول ما انت في الصلاة - 00:53:44

انت ايه انت في عبادة في طاعة يعني الحسنات شغالة انت وانت بتعمل عمرة وانت بتطوف وقت الطواف ده قعدت ساعة انت في

عبادة قعدت ساعتين انت في عبادة فهي في عبادة طول ما هي لابسة ايه - 00:54:02

الحجاب يعني هي ممتثلة لامر من اول لما تبلغ لحد لما تموت شف متخيل ايه يعني حتى وهي قاعدة في البيت وهي بتتزين في

البيت لزوجها هي بتاخذ ايه ثواب - 00:54:17

يعني متخيل ده يعني هي تاخذ حسنات علشان بتتزين حسن التبعل هي مسلا ايه تصرف مسلا تعمل شعرها تجيب مش عارف كريمات تجيب عطور تجيب لبس معين تتزين في البيت كل اللي هي بتنقده ده - 00:54:33

علشان تتزين لزوجها هي بتاخذ ايه حسنات ولما تلبس حجابها وتنزل من باب البيت اول لما تلبس الحجاب هي بتاخذ ايه حسنات هي ممثلة لامر اصلا فمتخيل كم الحسنات تيجي يوم القيامة علشان عبادة بس ايه؟ الحجاب. الحاجة الثانية ان هي - 00:54:49

بحجابها الصحيح الشرعي قدوة لغيرها هي اصلا من اسباب يعني والله سبحانه الله الواحد احيانا يشوف بنت مسلا لابسة خمار ولابسة نقاب ولا لابسة لبس محتشم في عز الحر في عز الصيف - 00:55:10

ده بيكون اصلا ايه يعني من اسباب من اسباب الثبات لايه للرجل مش للمرأة حتى يعني انت بتشوف واحدة لابسة محافظة على لبسها وحياءها انت نفسك ايه بتفرح يعني بتبقى يعني يعني - 00:55:25

فرحان ان فيه حاجة كده صح يا شيخ محمد ماشي فما بالك بقى البنات اللي تشوفها وتقندي بها وتقلدها وتبقى نفسها تلبس زيه؟ لسه لسه آآ يعني لسه قريب اه بنت مسلا كانت ايه منتقبة وبتلبس اه بتلبس جواني في ايديها - 00:55:44

فواحدة صاحبته كانت منتقبة بس ايه ما بتلبسش جواني بتقلع الجواني فبعدين خرجت معها مرة فلقيتها ايه لقيتها لابسة لابسة الجواني مرة بعد مرة فتأسرت رجعت تلبس جواني ثاني ده بسبب ايه - 00:56:06

تماما هي الصحبة شافت صاحبته شافت بنت ماشية في الشارع لابسة اللبس ده فانت مش عارف وانت ماشي ومحافظ على السميت بتاعك وممثل لامر ربنا سبحانه وتعالى مش عارف مين - 00:56:21

اللي هيسبت اه بسببك ومين اللي هيهندي بسببك وانت ماشية نازلة الجامعة نازلة شغل نازلة مشوار مش عارفة كام واحدة هتشوفك هتثبت بسببك وكم بنت مش محجة هتشوفك وهتحس ايه - 00:56:31

بتأنيب ضمير ماشي؟ فهي قدوة والنبي عليه الصلاة والسلام قال فوالله لان يهدي الله بك رجلا واحدا خير لك من ان يكون لك حمر ام يعني النوق الحمر هي انفس اموال العرب - 00:56:47

وث واحد بس فكم بنت تهندي بسببك فده يكون في ميزان حسناتك لبس الحجاب علامة من علامات الصدق بمخالفة الهوى وفي التأسى بامهات المؤمنين والنبي عليه الصلاة والسلام قال لما جاءه رجل فقال يا رسول الله - 00:57:05

كيف تقول في رجل احب قوما ولم يلحق بهم فقال صلى الله عليه وسلم المرء مع من احب قال صلى الله عليه وسلم المرء مع من احب. فانت بتحب مين؟ انت بتحب مين - 00:57:28

بتحبي الممسلة الفلانية ولا الفنانة ولا الموديل الفلانية ولا بتحبي مين حبي امهات المؤمنين وتحبي السيدة عائشة تحبي السيدة فاطمة تبقى السيدة خديجة بتحبي آآ السيدة آآ ام سلمة رضي الله عنها - 00:57:42

حب زينب بيحب حفصة رضي الله عنها اه فبتحب مين فحبك لبنت النبي عليه الصلاة والسلام السيدة فاطمة ولا زوجات النبي عليه الصلاة والسلام ولا الصحابييات اه اه ده يكون سبب ان انت في يوم القيامة تحشري معهن - 00:58:01

المرء مع من احب والنبي عليه الصلاة والسلام ربنا سبحانه وتعالى قال له يا ايها النبي قل لازواجك وبناتك ونساء المؤمنين يدنين من جلابيهن ذلك ادنى ان يعرفن فلا يؤذين - 00:58:21

قال تعالى واذا سألتهمون متاعا فاسألوهن من وراء حجاب. قالت عائشة رضي الله عنها في حديث الافك قالت عن صفوان لما قالت قال فاصبح عند منزلي فرأى سواد انسان انسان نائم فاتاني فعرفني حين رأيي وكان يراني قبل - 00:58:38

ايجاد فلما فاستيقظت باسترجاعه ما قال انا لله وانا اليه راجعون. فلما رأيي فلما رأيي خمرت وجهي بجلبابي قمريت وجهي بجلبابي هي تقول انا نفسي ابقى زي السيدة عائشة او ان انا اقتدي بامهات المؤمنين - 00:58:59

حياة عائشة رضي الله عنها آآ ونختم بالحديث ده قالت كنت ادخل بيتي الذي دفن فيه رسول الله صلى الله عليه وسلم وابي فاضع ثوبي يعني تتخفف من الثياب ثياب البيت - 00:59:20

فاقول انما هو زوجي وابي يعني اللي مدفون ايه النبي عليه الصلاة والسلام وابي الصديق رضي الله عنه فلما دفن عمر فوالله ما دخلته الا وانا مشدودة علي ثيابي حياء من عمر - [00:59:39](#)

وهو ميت يعني تدخل ايه بالحجاب الكامل فوالله ما دخلته الا وانا مشدودة علي ثيابي حياء من عمر رضي الله عنه فنسأل الله سبحانه وتعالى ان يتوب علينا وان يغفر لنا. ان شاء الله باذن الله في المجلس القادم - [00:59:59](#)

اه هنشرح بقى ايه الاية بالتفصيل باذن الله وندخل بقى على الاية اللي بعدها ان شاء الله عشان ايه نتجاوز آاه الحجاب عشان الشباب زعلانيين طيب آاه جزاكم الله خيرا - [01:00:21](#)